

## ṰHODEA DZA B-BBEE MABINDU O ṰANGANELANWAHO

### 1. Ri vhoneyi?

Khomishini ya Tshandukiso na Ṱhandavhudzo kha u Maandafhadza Vharema kha zwa Ikonomi (The Broad-Based Black Economic Empowerment Commission (“B-BBEE Commission”)) yo thomiwa sa tshiimiswa nga ngomu ha ndaulo ya Muhasho wa zwa Makwevho, Ngowetshumo na MuṰatṰisano (“**the dtic**”). Khomishini yo thomiwa u ya nga tshipida tsha vhu 13B tsha Mulayo wa Tshandukiso na Ṱhandavhudzo kha u Maandafhadza Vharema kha zwa ikonomi wa vhu 53 wa 2003 sa zwe wa khwinisiswa zwone nga Mulayo wa Tshandukiso na Ṱhandavhudzo kha u Maandafhadza Vharema kha zwa Ikonomi wa vhu 46 wa 2013 (“Mulayo wa B-BBEE”). Mushumo wayo u katela u lavhelesa u shumiswa ha Mulayo wa B-BBEE na u lwa na nyito dza u vhea vharema sa vhaṅe vha bindu.

### 2. Ndivho ya Tshibugwana

Ndivho ya itshi tshibugwana ndi u sumbedza ndila malugana na u ela mabindu o Ṱanganelanwaho kha nyimele ya B-BBEE.

### 3. Bindu lo Ṱanganelanwaho ndi mini?

Zwivhumbeo kha bindu a si tshifhinga tshoṰhe hune zwa vha zwo leluwa. U shumisa B-BBEE zwo bvisela khagala zwivhumbeo zwo fhambanaho zwine zwa si pfesese kana zwine zwa konḁa, zwine zwa katela mabindu o Ṱanganelanwaho.

Thalusaipfi ya zwa mulayo (<https://legaldictionary.net/joint-venture/>) i talutshedza bindu lo tanganelanwaho sa mbekanyo ya bindu hune khalo zwigwada zwivhili kana zwinzhi, hu nga vha nga tshithihi nga tshithihi kana zwiimiswa, zwa dzhena kha thendelano ya u tanganyisa tshomedzo kana zwiko hu tshi itelwa u thoma bindu lo tiwaho hu tshi itelwa u wana mbuelo.

Hu nga kha di shumiswa tshakha mbili dza mabindu o tanganelanwaho. Tsha u thoma ndi bindu la tanganelanwaho la tshumisano, zwine zwa amba uri tshiimiswa tsho tanganyiswa na u langiwa u ya nga Mulayo wa Dzikhamphani. Kha nyimele yeneyo, tshiimiswa tsha tshumisano tshi do tea u ta muelo watsho wa B-BBEE une wa tshimbilelana na milayo yo nweledzwaho kha pharagirafu ya vhu 4, 5 na 6 ya Tshitatamennde 000 tsha Khoudu dza Kushumele Kwavhudi (Dzikhoudu). Tsha vuvhili, hu dovha hafhu ha vha na mabindu maswa o tanganelanwaho a si a tshumisano, nahone afha ndi hune ha si vhe na tshiimiswa tsha tshumisano, nahone kha nyimele yeneyo, gara ya tshikoro ya B-BBEE yo tanganyiswaho i a thodea malugana na bindu lo tanganelanwaho.

Bindu lo tanganelanwaho li si la tshumisano li do langiwa nga thendelano ya bindu lo tanganelanwaho, ine ya sumbedza vhudifhinduleli ha tshigwada tshiwe na tshiwe, uri mbuelo dzi do kovhekanwa hani, na vhudifhinduleli malugana na ndozwo yo vha ho hone na mbadelo kha zwenezwo.

#### **4. ZWIITISI ZWA U THOMA BINDU LO TANGANELANWAHO**

Hu na zwiitisi zwo fhambanaho zwa uri ndi ngani zwiimiswa kana zwigwada zwi tshi dzhia tsheo ya u dzhena kha thendelano ya bindu lo tanganelanwaho na uri izwo zwi nga katela, vhukati ha zwiwe, thodea ya:

- a) U thoma mimaraga miswa;
- b) U engedzedza zwikili na zwiko kana tshomedzo;
- c) Nyaluwo na u engedzedza mishumo ya khamphani;
- d) Tshumisano na u kovhekana mbadelo; na

e) Phiriso ya zwickili na ndivho.

## **5. Thodea dza thanziela dza B-BBEE dza Bindu lo Tanganelanwaho li si la Tshumisano**

Musi zwigwada zwi tshi nanga u swikelela mbuelo dza ikonomi nga kha bindu lo tanganelanwaho li si la tshumisano, u ya nga Mulayo wa B-BBEE bindu lo tanganelanwaho li tea u neshedza thanziela yalo yo tanganyiswaho ya B-BBEE kana afidaviti yo itwaho nga fhasi ha muano.

### **5.1 Phanda ha la 1 Nyendavhusiku 2019**

Musi khwiniso dza Dzikhoudu dzi tshi thoma u shuma nga la 1 Shundunthule 2015, hu tshi katelwa na ndaela ya tshumiso ya afidavithi dzo itwaho nga fhasi ha muano malugana na Mabindu Matuku a songo Katelwaho (dziEME) na 51% na 100% ya Mabindu Matuku ane a Tea (Qualifying Small Enterprises (dziQSE)), Khoudu a dzo ngo neshedza thuso kana ngeletshedzo malugana na u tanganyiswa ha afidavithi dzo itwaho nga fhasi ha muano dza B-BBEE hune zwigwada zwine zwa tea sa dziEME kana 51% na 100% ya QSE dzine dza langiwa nga vharema zwo nanga u vhumba bindu lo tanganelanwaho li si la tshumisano.

U kundelwa u ita ngauralo, zwi amba uri bindu lo tanganelanwaho li si la tshumisano la zwiimiswa zwine zwa ditika nga afidavithi dzo itwaho nga fhasi ha muano phanda ha la 1 Nyendavhusiku 2019 a li ho mulayoni. (U sa vha mulayoni a zwi shumi kha zwiimiswa zwine zwa langiwa nga Khoudu ya Sekithara ya Vhufhati yo khwiniswaho ine zwavhudivhudi ya vha yo katela milayo ya mabindu o tanganelanwaho.)

Naho zwo ralo, zwiimiswa zwine zwa tea malugana na u shumisa Thanziela ya B-BBEE yo bviswaho nga murado wa phurofesheni o khwathisedzwaho nga Sisiteme ya Khwathisedzo ya Lushaka ya Afurika Tshipembe, zwo kona u thoma gara ya tshikoro ya B-BBEE yo tanganyiswaho ya bindu lo tanganelanwaho la tshumisano. Mbetshelo yo sumbedza uri zwiimiswa zwi tea u kwama zhendedzi la khwathisedzo lo tendelwaho la SANAS kana murado wa phurofesheni vha na Thanziela dzavho dza

muthu nga muthu, uri mukhwaṭhisedzi a kone u ṅetshedza Ṭhanziela ya B-BBEE ya bindu ḵo ṭanganelanwaho.

## 5.2 Nga murahu ha Shundunthule 2019

Zwi tshi khou itiswa nga khwiniso dzo itwaho kha Dzikhoudu nga kha Nomboro ya Nḍivhadzo ya vhu 3030 ya Nomboro ya Gazete ya Muvhuso ya vhu 42496 yo anḍadzwaho kha gazete kana gurannda ya muvhuso nga ḵa 31 Shundunthule 2019, zwiimiswa zwine zwa shumisa afidavithi dzo itwaho nga fhasi ha muano dza B-BBEE na Ṭhanziela dza B-BBEE zwa zwino zwi vho kona u shumisa garaṭa ya tshikoro ya bindu ḵo ṭanganelanwaho ḵi si ḵa tshumisano. Izwi zwi shuma ngaurali:

- a) Zwigwada zwi ḍo tea u thoma zwa wana afidaviti yo itwaho nga fhasi ha muano i re mulayoni ya B-BBEE kana Ṭhanziela ya B-BBEE malugana na mabindu a a vhathu. Arali Ṭhanziela ya B-BBEE ya tshiimiswa nga tshithihi kana Afidavithi yo itwaho nga fhasi ha muano ya vha i si ho mulayoni, ṭhanziela ya bindu ḵo ṭanganelanwaho na yone i ḍo vha i siho mulayoni.
- b) Zwenezwo zwigwada zwi ḍo tea u ṭanganyisa datha ya thevhedzelo zwo ḍisendeka nga tshikalo u ya nga thendelano ya bindu ḵo ṭanganelanwaho. Izwi zwi amba uri zwikoro zwa zwigwada zwi ḍo ṅetshedzwa ndeme u ya nga phesenthe ine ya lingana na mikovhe zwayo kha bindu ḵo ṭanganelanwaho zwa ṭanganyiswa u itela tshikoro tsho ṭanganyiswaho tsha 100.
- c) U ṭanganyiswa ha datha ya thevhedzelo u ya nga ndeme ine ya tshimbilelana na thendelano ya bindu ḵo ṭanganelanwaho yo teaho kha bindu ḵo ṭanganelanwaho ḵo tiwaho. Ngauralo, arali khamphani mbili kana u fhira dza dzhena kha bindu ḵo ṭanganelanwaho zwikoro zwadzo u ya nga Khoudu ya Kushumele Kwavhuḍi dzo teaho zwi ḍo ṅetshedzwa ndeme u ya nga tshivhalo tsha mikovhe kha bindu ḵo ṭanganelanwaho.

- d) Arali tshiimiswa tsha vha tsho tea u ya nga garaṭa ya tshikoro ya QSE, tshikoro tsha B-BBEE tsha 100 tshi tea u shumiswa u rekanya tshikoro tsho ṭanganyiswaho.
- e) 51% ya dziEME na dziQSE dzine dza langiwa nga vharema dzi ḡo tea kha u wana tshikoro tsha phoindi dza 95, hone hu uri dziEME na dziQSE dzi tshi ḡo tea kha u wana tshikoro tsha phoindi dza 100.
- f) DziEME dzine dza langiwa nga vharema vha fhasi ha 51% dzi ḡo tea u wana phoindi dza 85.

Maitete o ṭalutshedzwaho kha tshipiḡa tsha (b) na (f) a nga itiwa fhedzi nga zhendedzi ṭa khwaṭhisedzo ṭo tendelwaho ṭa SANAS/muthu ane a vha muraḡo wa phurofesheni.

Bindu ṭo ṭanganelanwaho ṭo ṭanganyiswaho ṭi ḡo ta tshiimo tshaṭo tsha B-BBEE u ya nga milayo ya Tshitamennde 000 tsha Khoudu dza Kushumisele Kwavhuḡi ho sedzwa uri tshiimiswa ndi EME, QSE kana QSE kana tshiimiswa tshihulwane.

## **6. U vha mulayoni ha Ṭhanziela ya Bindu ṭo Ṭanganelanwaho ṭi si ṭa Tshumisano**

Maitete a fanaho o nweledzwa kha Gaidi ya Kushumele ya 01 ya 2018 yo bviswaho nga Khomishini ya B-BBEE kha u wana arali thanziela ya khwaṭhisedzo ya B-BBEE, Ṭhanziela ya B-BBEE na Afidavithi ye ya itwa nga fhasi ha muano a tea u shumiswa u wana arali ṭhanziela ya bindu ṭo ṭanganelanwaho ṭi si ṭa tshumisano i ya vhukuma kana i mulayoni.

Ṭhanziela ya bindu ṭo ṭanganelanwaho yo tendelwa lwa miṇwedzi ya fumimbili (12), nahone i ḡo shuma fhedzi kha thandela dzo tiwaho kana dzo sumbedzwaho. Izwi zwi amba uri zwigwada zwi ḡo ṭoḡa ṭhanziela ya bindu ṭo ṭanganelanwaho ṭiswa tshifhinga tshoṭhe musi zwi tshi ṭoḡa u swikelela zwikhala zwa thandela ntswa kana bindu.

## 7. Mafhungo a u angaredza

Musi Khomishini ya B-BBEE i vhukati na u ita mushumo wayo, yo vhone kana u dzhiela n̄tha mbilaelo dzi tevhelaho (uyu mutevhe a u kateli zwoṅhe) malugana na zwivhumbeo zwa bindu lo ṅanganelanwaho:

- a) U sa vha hone ha thendelano ine ya langa vhushaka vhukati ha zwigwada, u fana na u nweledza mishumo na vhuḍifhinduleli havho, vhukati ha zwiṅwe, hu tshi katelwa na uri mbuelo dzi ḍo kovhekanwa hani.
- b) Tshumiso ya thandela dza mabindu o ṅanganelanwaho malugana na u shumisana na tshiimiswa tshine tsha langiwa nga vharema u itela u swikelela zwikhala zwa ikonomi, hu si u maandafhadza vharema.
- c) U thivhelwa ha vharema kha u dzhenelela kha u dzhia tsheo malugana na mafhungo ane a kwama bindu lo ṅanganelanwaho.
- d) U sa vha hone ha milayo ya u langa khamphani malugana na mafhungo a zwa bindu lo ṅanganelanwaho u fana na u thivhela vharema kha u swikelela rekhodo dza masheleni dza bindu lo ṅanganelanwaho.
- e) Zwine zwa shumiswa zwo fhambana na phulufhedziso kha thendelano ya bindu lo ṅanganelanwaho, nahone zwa ita uri hu vhe na khuḍano na u vhea vharema sa vhaṅe vha bindu. Sa tsumbo, u sa vha na akhaunthu ya thungo ya masheleni ya bindu lo ṅanganelanwaho kana u pambuwa kha nzudzanyo kana mbekanyo ya u kovhekana mbuelo ha iwa kha u vhea vharema kha nyimele i si yavhuḍi.

### Vha ri kwama hani:

B-BBEE Commission  
Block E, 2<sup>nd</sup> Floor  
**the dtic** Campus  
77 Meintjies Street  
Sunnyside

0002

Ađirese ya Poswo  
Private Bag X84  
Pretoria  
0001

Luřingo: (+27) 12 394 1535

Emeili: [MRamare@beeecommission.gov.za](mailto:MRamare@beeecommission.gov.za)

Senthara ya Vhukwamani ya dzikhasiřama **the dtic**: 0861 843 384

Webusaiti: [www.bbbeeecommission.co.za](http://www.bbbeeecommission.co.za)